



Գերմանիայի
Դաշնային Հանրապետության
դեսպանություն
Երևան

Մասնագետների համար արագացված գործընթաց՝ համաձայն ԳԴՀ «Կացության մասին օրենքի» 81a հոդվածի (§ 81a AufenthG) միայն Գերմանիայի համար

Ընդհանուր դրույթներ

Մասնագետների համար արագացված գործընթացի նախապայման է գերմանական Օտարերկրացիների հարցերով մարմնի նախնական համաձայնությունը (ոչ աշխատանքի դաշնային գործակալության): Եթե Օտարերկրացիների հարցերով մարմնի նախնական համաձայնությունը համաձայն ԳԴՀ «Կացության մասին օրենքի» 81a հոդվածի չունեք, խնդրում ենք դիտարկել աշխատանքային գործունեության վերաբերյալ այլ հուշաթերթիկները:

Կարևոր ցուցումներ

- Մասնագետների ներգաղթի մասին օրենքի՝ վերաբերյալ տեղեկություններ կարող եք քաղել հետևյալ կայքից [Fachkräfteeinwanderung](#):
 - Մասնագետների համար արագացված գործընթացը հնարավոր է
 - միջին մասնագիտական կրթություն ունեցող մասնագետների,
 - բարձրագույն կրթություն ունեցող մասնագետների,
 - բարձր որակավորում ունեցողների,
 - գիտահետազոտողների և գիտնականների,
 - ղեկավար անձանց,
 - միջին մասնագիտական կրթություն ստանալ ցանկացողների,
 - այն անձանց համար, որոնք մեկնում են Գերմանիա՝ ճանաչել տալու համար իրենց մասնագիտական որակավորումը:
 - Այն բանից հետո, երբ Դուք կամ Ձեր գործատուն կստանաք Օտարերկրացիների հարցերով մարմնի նախնական համաձայնությունը, կարող եք գրանցվել հերթագրման սպասման ցուցակում:
 - Եթե Դուք ունեք Գերմանիայի դաշնային աշխատանքի գործակալության նախնական համաձայնությունը, ապա շրջանցեք այս հուշաթերթիկը: Խնդրում ենք դիտարկել աշխատանքային գործունեության վերաբերյալ այլ հուշաթերթիկները: Այս գործընթացի համար անհրաժեշտ է Օտարերկրացիների հարցերով մարմնի նախնական համաձայնությունը համաձայն ԳԴՀ «Կացության մասին օրենքի» 81a հոդվածի:
 - Եթե ընտանիքի վերամիավորման օրենսդրական նախապայմանները բավարարված են, և դիմումները ներկայացված են ըստ անհրաժեշտ ժամանակացույցի, ապա մասնագետների համար նախատեսված արագացված գործընթացը կարող է վերաբերել նաև մասնագետի ամուսնուն կամ կնոջը, ինչպես նաև երեխաներին:

Վիզայի համար դիմում ներկայացնելը

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող եք գտնել կայքում. <https://erivan.diplo.de/>

Դիմում ներկայացնելու համար անհրաժեշտ է նախապես հերթագրվել: Հերթագրվել կարող եք միայն առցանց եղանակով: Առցանց հերթագրման համակարգ կարող եք մուտք գործել դեսպանության կայքի միջոցով. www.eriwan.diplo.de :

- Ոչ գերմանալեզու փաստաթղթերը՝ բացառությամբ անձնագրի տվյալների էջի, պետք է ներկայացնել գերմաներեն հաստատված թարգմանությամբ:
- Վկայականները, դիպլոմները, նմանատիպ փաստաթղթերը քաղաքացիական կացության վերաբերյալ վկայականները պետք է ներկայացնել բնօրինակով և ապոստիլով/լեգալիզացիայով: Բնօրինակները կվերադարձվեն:
- **Դիմումի քննությունը և մշակումը սովորաբար տևում է 1 – 3 շաբաթ**, առանձին դեպքերում՝ ավելի երկար:
- Ավիատոմսի ամրագրում վիզայի համար չի պահանջվում, խնդրում ենք ավիատոմս ամրագրել միայն վիզա ստանալուց հետո:
- Դեսպանությունն իրեն իրավունք է վերապահում պահանջել լրացուցիչ փաստաթղթեր: Լիարժեք դիմում ներկայացնելը դեռևս բավարար հիմք չէ վիզա ստանալու համար: Ոչ լիարժեք փաստաթղթերը կարող են դանդաղեցնել գործընթացը և հանգեցնել դրանց վերադարձի կամ մերժման: Դեսպանություն ուղարկված այն ֆաքսերը կամ գրությունները, որոնց վրա բացակայում է վիզայի գործի համարը, չեն տեսակավորվում և չեն կցվում գործերին:
- **Խնդրում ենք դիմումի վերոնշյալ մշակման ժամանակահատվածում, ձեռնպահ մնալ դիմումի ընթացքի վերաբերյալ հարցումներ անելուց:** Այդ հարցումները էապես ծանրաբեռնում են վիզայի բաժնի աշխատանքը, այդ պատճառով վիզայի բաժինը չի կարող պատասխանել:
- Վիզայի վճարը կազմում է 75 եվրո, որը վճարվում է դրամով՝ դիմումը հանձնելիս:
- Բոլոր փաստաթղթերը (հատկապես անձնագրի պատճենները) պետք է **ներկայացնել A4 ձևաչափով**՝ առանց ամրացնելու, կարելու և թափանցիկ թղթապանակների:

Սկզբունքորեն բոլոր փաստաթղթերը պետք է ներկայացնել բնօրինակով և մեկական պատճենով: Խնդրում ենք փաստաթղթերը դասավորել այսպես.

- բոլոր բնօրինակ փաստաթղթերը՝ ստորև նշված հերթականությամբ.

- Դիմում-հարցաթերթիկը՝ հայտարարության հետ միասին, և բոլոր թվարկված փաստաթղթերի ընթացքի և ոչ մուգ պատճենները՝ ստորև նշված հերթականությամբ.

Անհրաժեշտ փաստաթղթեր

- գերմաներենով կամ անգլերենով լիարժեք լրացված դիմում-հարցաթերթիկ՝ ներառյալ Կացության մասին դաշնային օրենքի §54-ով սահմանված իրազեկումը: Հարցաթերթիկը կարող եք գտնել դեսպանության կայքում՝ սույն հղումով. <https://videx-national.diplo.de> ,
- լիարժեք լրացված և ստորագրված հայտարարություն հասանելիության ([հղում](#)) վերաբերյալ,
- 2 նոր, բիոմետրիկ լուսանկար, մեկը խնդրում ենք ստանձել դիմում-հարցաթերթիկներից,
- գործող ճամփորդական անձնագիր, որը վավերական լինի առնվազն 6 ամիս, (անձնագրում պետք է լինի առնվազն երկու դատարկ էջ, իսկ անձնագիրը տրված լինի ոչ ավելի վաղ, քան տասը տարի առաջ),
- անձնագրի այն էջերի պատճենները, որտեղ առկա է կնիք, վիզա կամ որևէ այլ նշում,
- Օտարերկրացիների հարցերով մարմնի նախնական համաձայնությունը՝ համաձայն ԳԴՀ «Կացության մասին օրենքի» 81a հոդվածի,

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող եք գտնել կայքում. <https://eriwan.diplo.de/>

- Նախնական համաձայնությանը կցված բոլոր փաստաթղթերի բնօրինակները.
 - աշխատանքային պայմանագիր կամ աշխատատեղի երաշխավորված առաջարկ,
 - արտերկրում ստացած միջին մասնագիտական կամ բուհական կրթության կամ որակավորման վկայականներ,
 - անհրաժեշտության դեպքում՝ Գերմանիա մուտք գործելու համար պահանջվող լեզվական գիտելիքների վկայական,
 - ուղեկցող ամուսնու, կնոջ պարագայում՝ ամուսնության վկայականը՝ թարգմանությամբ և ապոստիլով (խնդրում ենք ուշադրություն դարձնել ընտանիքի վերամիավորման վերաբերյալ հուշաթերթիկին),
 - ուղեկցող երեխաների պարագայում՝ ծննդյան վկայականները՝ թարգմանությամբ և ապոստիլով (խնդրում ենք ուշադրություն դարձնել երեխաների՝ ծնողներին միանալու վերաբերյալ հուշաթերթիկին):
- Այլ՝ ոչ Հայաստանի Հանրապետության քաղաքացիություն ունեցող անձինք, օրինակ՝ Ռուսաստանի, Իրանի կամ Հնդկաստանի քաղաքացիները իրենց բնակությունը Հայաստանում հավաստելու համար պետք է ներկայացնեն Հայաստանի կառավարության թույլտվություն՝ ռեզիդենտ քարտ (առնվազն վեց ամսվա):
- Բժշկական բավարար ապահովագրական պաշտպանվածության վկայական
 Եթե օրենքով սահմանված բժշկական ապահովագրության շրջանակում Ձեր ապահովագրական պարտավորությունը պետք է իրացնեք Դուք՝ որպես աշխատող, ապա պետք է նկատի ունենաք, որ այն սկսելու է գործել միայն Ձեր՝ Գերմանիայում բնակության վայրում հաստատվելու և աշխատանքային գործունեությունը սկսելու պահից: Եթե Դուք ավելի շուտ եք մուտք գործելու Գերմանիա, Ձեզ հարկավոր է մինչև աշխատանքային հարաբերության մեկնարկը և օրենքով սահմանված բժշկական ապահովագրության մեջ Ձեր ներառվելը կնքել ժամանակավոր՝ մասնավոր բժշկական ապահովագրություն: Ճամփորդական բժշկական ապահովագրությունները, հնարավոր է, չապահովեն ապահովագրական պաշտպանվածություն Ձեր ապահովագրության պայմաններում, եթե նախատեսված է երկարաժամկետ և տևական կառուցում: Հնարավոր է, որ այսպես կոչված „incoming“ ապահովագրությունները նույնպես չապահովեն այդպիսի պաշտպանվածություն:

Դեսպանությունը հուշում է, որ համաձայն Կացության մասին օրենքի §82-ի՝ յուրաքանչյուր դիմող պարտավոր է ապահովել դիմումի լիարժեքությունը, եթե որևէ փաստաթուղթ բացակայում է, դեսպանությունը համարում է, որ այն չի կարող ներկայացվել:

Կարևոր ցուցումներ

Ձեր ուշադրությունն ենք հրավիրում այն հանգամանքին, որ վիզայի դիմումը հանձնելիս որևէ այլ վճար, քան **դեսպանության շենքում՝ վիզաների բաժնի պատուհանի մոտ** գանձվող վիզայի վճարն է, նախատեսված չէ:

Դեսպանությունը **չի համագործակցում** տուրիստական ընկերությունների հետ: **Դա վերաբերում է նաև դեսպանության անմիջական հարևանությամբ գտնվող գրասենյակներին: Ճամփորդական կամ այլ ծառայություններ մատուցող գրասենյակների աշխատակիցների պնդումներն այն մասին, որ իրենք համագործակցում են դեսպանության հետ, չի համապատասխանում իրականությանը:**

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Ոչ ոք չի կարող ազդել Ձեր դիմումի հաջողության հեռանկարի վրա, քանի որ դիմումների վերաբերյալ որոշումները կայացնում է բացառապես գերմանացիներից բաղկացած անձնակազմը: **Եթե Ձեզ այլ բան են խոստանում, ապա Ձեզ փորձում են խաբել: Ոչ մի դեպքում գումար մի՛ տվեք:** Վիզայի հետ կապված հարցերի մասին արժանահավատ տեղեկություններ կարող եք անվճար ստանալ **դեսպանության վիզաների բաժնի աշխատակիցներից:** Այլ անձինք տեղեկություններ տրամադրելու իրավասություն չունեն:

Այս հուշաթերթիկի բոլոր տվյալները հիմնված են այն գրելու պահին դեսպանության ունեցած տեղեկությունների և վերլուծությունների վրա, ուստի դեսպանությունը չի կարող երաշխավորել հուշաթերթիկի լիարժեքությունն ու ճշգրտությունը հատկապես ընթացիկ փոփոխությունների պատճառով:

Կոնտակտային ընթացիկ տվյալները, ինչպես նաև հեռախոսազանգերի ժամանակացույցը կարող եք գտնել կայքում. <https://erivan.diplo.de/>